

տանով, իր զուլալ սառնորակ աղբիւրներով և այգիներով ներկայացնում է մի հմայիչ գեղարւեստական պատկեր:

Գիւղի հիմք գցողները եկած են Միլակերտից ութը տարի առաջ՝ (1910 թւին) 10 տնով. այդ ութը տարւայ ընթացքում հայի շինարար ձեռքը մեծ դեր է կատարել. մշակել են խաղողի այգիներ, բուսցրել են բազմատեսակ պտղատու ծառեր և զարգացրել են արհեստական մի փոքրիկ ծառաստան, որի հիւսիսային լանջից բղխում է հարուստ և սառնորակ մի աղբիւր, որ հոսելով ծառերի մէջ կազմում է մի փոքրիկ աւազան (գօլ). այդտեղից ջուրը ոլորապտոյտ հոսելով՝ ոռոգում է ամբողջ ծառաստանը և նրա մօտ գլտնուող պտղատու պարտէզը: Այսօր այդ ծառաստանը գնահատոււմ է 3000 թումմանով: Գիւղը հարուստ է նաև բերրի հողերով և սրօտներով, որի շնորհիւ արտադրում է ընտիր հացահատիկներ, բանջարանոցային բերքեր, ձմերուկ, վարունգ և ծառապտուղներ՝ խնձոր, դեղձ, ծիրան, թուխ, ընկույզ, սալոր և այլն: Զրնայած դրան, ժողովրդի տնտեսութիւնը այստեղ շատ ընկած է անվերջ հարստահարութիւնների պատճառով և նա լքում է իր հողն ու գաղթում. դրան պայցոյց է այն, որ Արթուրնաբազն երկու տարի առաջ՝ 1916 թւին ունէր 17 ընտանիք 83 շնչով. այժմ ունի 13 տուն 63 շնչով, որի 36-ը արական է, իսկ 27-ը իգական. մնացեալները սովից և հարստահարութիւններից դաղթել են՝ երկու տունը Ղառղուն, մինը Զիգան, մինն էլ Զարմահալ:

Այստեղի գիւղացիներն աչքի են ընկնում իրենց ընդունակութիւններով. նրանք լաւ հողագործներ են, շնորհալի այգեպաններ, եթէ դրա վրայ աւելացնենք նրանց հայրենասիրութեան, կրօնասիրութեան ոգին՝ նրանց բնոյթագիրը տւած կլինենք:

Գիւղը խանական է. պատկանում է Մամթաղի, Մէհ-դի-Ղուլի, Մամ-Նէսիր, Մահմատ, Ամիր, Ալի-Մարգան, Հէյդար, Ղօլամ-Հուսէյն, Ղօլամ-Ալի, Ալի-Ղուլի և Իբրահիմ խաներին, որոնց մէջ բաժանւած է հողը: Գիւղացիները